

國醫學院講義教材

——藥物學合訂冊——

◀ 二 卷 ▶



(10)

新國醫講義教材 藥物學 (卷二)

隱草

劉寄奴 破血行瘀兼逐水，辛苦微溫，和傷消腫並調經，肝脾兩達。○（劉寄奴辛苦微溫入肝脾二經專主破血下氣以及血化為水而成腫脹者皆可服之金瘡折跌敷服皆奇）

板藍根 辟瘟解毒能涼血，逐疫驅邪並殺蟲，肝胃收功，苦寒降熱。○（板藍根即靛青根其功用性味與靛葉相同能入肝胃血分不過清熱解毒辟疫殺蟲四者而已但葉主散根主降此又同中之異耳一云即馬蘭根未知孰是）

甘蔗根 外敷消腫，散熱毒而性屬陰寒，內服清煩，止消渴以蠲除煩悶，功能走肺胃，甘可保陰津。○（甘蔗根味甘大寒一名芭蕉即人家所種之甘蔗也主治消渴熱狂一切金石丹毒皆可搗汁飲之外敷癰腫結熱以及疔毒走黃喉痺實火等證其渴熱解毒之功可想）

苳麻根 益陰涼血，安胎則賴其退熱之功，滑竅通淋，治病終不離下行之性，味甘寒而無毒，入心主與小腸。苳麻根甘寒養陰長於滑竅涼血血分有濕熱者亦屬相宜大抵胎動因於血熱者多或因傷血瘀者亦有胎之義其即此乎）



蔓草

天門冬 清金降火，苦寒味帶餘甘，壯水強陰，潤澤性偏在膩，欬血可療癰痿愈，尸蟲盡化燥痰除，腸滑勿投，胃虛當禁。○（天門冬甘苦而寒色白潤降清肺金壯腎水是其本功本經稱其能殺三蟲去伏尸鬼淫者大抵亦爲療熱所化熱退則病除耳天冬較麥冬苦多寒盛沉降之性過之故兼能入腎經治諸病總宜於陰不足而有火邪者若脾胃虛寒便瀉之人禁勿用）

五味子 五味俱備，酸溫獨多，收肺氣耗散之金，喘嗽欬紅上受益，滋腎經不足之水，遺精滑瀉下承扶，能斂汗液之耗亡，奠安君主，且治瞳神之散大，迴護元陰，表有風寒，須知禁用，裏多邪滯，切禁輕嘗。○（五味子雖有五味究竟酸味獨專故主治亦在酸斂之功其性溫五臟皆可導引而不獨肺腎也凡一切氣血耗散脫竭之證表裏無邪者可以同補藥用之欬嗽遺滑屬肺腎虛寒者尤爲相宜）

天花粉 清胸胃之煩熱，痰垢均除，解心肺之炎蒸，苦甘並濟，生津止渴，金燥宜求，行水消痰，黃蘗可治，消腫排膿結可散，澤枯潤燥性偏寒。○（天花粉色白甘苦而寒即瓜蒌根也入肺胃血分專清上焦邪熱下降一切黃腫腫毒皆從鬱熱水血互結而來其能利水道消瘀血故主治如上玉露霜即鮮天花粉以水澄出之粉晒乾用性味主治皆同略分清濁耳）

瓜蒌 氣味相同花粉，治療各有偏宜，潤肺清腸，降痰火下行爲順，消痰滌垢，治結胸上實頗靈。○用仁則

潤滑腸中，用皮則清於肺部。（瓜蒌性味與花粉相同惟潤降之功過之故凡上焦鬱熱垢膩痰火欬嗽等證皆可用之一切肺癰腸癰乳癰之屬火者尤爲相宜但冷滑大腸脾虛無火大便不實者不可用也）

木通 入心且及小腸，通淋利竅，導濕下行水道，味苦性寒，滌熱行瘀，源流無阻，催生下乳，關節皆通。○（木通苦寒之品能入心與小腸清濕熱利九竅能宣通上下氣血其所以治淋治乳者無非清心宣竅之功以肺無熱逼則氣化之源清而淋濁愈胃爲氣血之海氣血宣通則乳病愈耳然性極苦寒不可浪投木通藤屬遶樹而生吹之上下皆通性雖苦卻無宣通關節或痛或腫等證皆可治之不獨降利之功而已也）

通草 色白性寒，體輕味淡，清金肅降，通肺胃而導心主之熱邪，利濕分消，達膀胱可無閉癰之阻滯。（通草此係草類一名通脫木高丈許中心所結白蘆以其爲心也故可入心其色白故入肺味淡性寒與燈心功用相似能清心肺上焦之熱淡滲下行通利水道其通利之性又能旁及陽明而下乳汁耳）

萆薢 祛風祛濕，微苦微溫，入肝胃兼入小腸，分清去濁，由膀胱內通腎臟，行水宣瘀，風寒痺濕可推求，腰膝痠疼常審用。（萆薢本經謂其苦平無毒主治腰痛骨強風寒濕痺觀其大意知其能入肝腎治陽虛熱濁之藥雖云能治下焦風寒濕痺大抵萆薢之功治濕爲長治風次之治寒則尤其次也痿病多屬陽明濕熱萆薢之苦能宣能泄故又能入胃耳）

金銀花 其氣芳香入脾，其味甘寒解毒，通經入絡，取用其藤，治節消癰，還當使蕊，或傳尸腹脹，各隨

成法以推求，或治痢祛風，宜合古方而運用。(金銀花其氣芳香其色赤白而凡花皆散有宣通氣血解散之功且寒能解毒甘不傷胃故一切癰疽外證推爲聖藥昔人用此治風除脹治痢疾逐尸疰爲要藥後世亦不知其用足見此物之功非特治瘡已也)

葛根 解陽明肌表之邪，甘涼無毒，鼓胃氣升騰而上，津液資生，若云火鬱發之，用其升散，或治痘疹不起，賴以宣疏，治瀉則煨熟用之，又主兩陽合邪之下利，解酒則葛花爲最，因有解表利便之功能，孕婦固當忌投，有故亦能無殞。(葛根甘涼入胃其根寓升發之意故能解散陽明肌表之邪凡一切風溫熱病邪鬱於表熱勢內蒸以致無汗口渴者最爲相宜然畢竟氣涼之品如風寒在表以及內不熱而惡寒者似又不宜也煨熟則散性全無即由胃入腸不行陽明之表但入陽明之裏升清爲用亦如升麻之煨熟即升而不散可以厚腸止瀉耳)

何首烏 稟中和之性，益腎培肝，得坤土之純，悅顏黑髮，固真陰而性瀉，崩中遺滑堪醫，續後嗣以添精，堅骨強筋可賴，祛風養血，毒化瘡消，莖製酒蒸，延年卻病，饒可夜交熟寐，味則甘苦微溫。(何首烏味甘苦略兼酸味有赤白二種夜則苗蔓相交年久則其根成形得土之精氣而生補肝腎固精髓以其赤白交互故能長養氣血氣血太和則悅顏黑髮風可去而瘡可愈耳首烏之補肝腎陰血與地黃相同卻無地黃之凝滯性雖固澀而又流利血脈大抵生用則流利製用則固補赤者名紅內消專用於外科概可想見)

馬兜鈴 輕浮象肺，降痰嗽有解散之功，清肅肺金，平喘促得苦寒之力。（馬兜鈴藤蔓之屬附木而生葉脫時其實尚垂狀如馬項之鈴熟則四開象肺苦寒輕舉而又有下降之性故能清肺熱降肺氣凡一切咳嗽痰喘屬於肺熱者均可用之兜鈴雖主清熱降氣而又能散肺中結氣以其苦而兼辛也根名青木香苦冷有毒可作吐藥不常用）

白部 治肺寒之欬嗽，甘苦微溫，除蟲積之稽留，功能獨擅。（白部其藤蔓生其根如天門冬之形百十連屬若部伍然但天門冬味甘而潤白部味苦而枯天冬寒而白部熱故雖皆入肺治嗽一治寒嗽一治熱嗽為不同其殺蟲之功尤為百部所獨擅也）

菟絲子 氣溫無毒，味甘且辛，補腎水以上騰，明目生津風可去，擬正陽而不動，精寒潮濕病能痊，可堅骨以強陰，并扶羸而續絕。（菟絲子其藤蔓生田野中初如細絲遍地不能自起得他草根則纏繞而生其根漸離於地而寄空中本經辛甘平無毒主治續絕傷補不足益氣力肥健人大抵益肝腎助筋脈填精髓是其所長以肝主筋其藤象筋腎藏精其子有歸束之意也凡子皆潤降故先入腎菟絲子能溫養腎水補肝虛下焦得溫養力脾亦受益耳故為平補足三陰之藥）

鉤藤 入肝經以涼血祛風，退熱療驚，久煎無力，味甘寒而除邪定搐，治昏止眩，暫服為宜。（鉤藤甘寒色紫獨入肝家清肝熱平則風熄風熄則驚癇癰癢頭眩目眩等證皆愈耳）

覆盆子 入腎兼酸苦之功，治專固攝，益下有封藏之力，味屬甘溫。(覆盆子因此子形似覆盆故名凡藤蔓之子皆可並入肝腎味甘而酸之品皆能補而兼固此物甘酸而溫其能補攝肝腎可知下焦固則遺滑等證皆可愈耳覆盆入腎經血分能溫補命門益精固下陰不足而相火旺者不宜)

防己 辛可散，苦可行，氣寒之品，熱可燭，濕可導，性下之功，漢入下焦，行膀胱之血分，木宜經絡，疏風水於皮中。(防己出漢中木防己即是其苗皆辛苦而寒其根爲之漢防己入下焦瀉膀胱血分濕熱木防己偏於治上治風故凡風水支飲等證皆用之大抵防己爲瞑眩之藥聞其氣則頗惡下咽則使人心煩亂飲食減少者若善用之能撥亂反正可防己而禦敵故取此名虛人禁之)

威靈仙 性急且溫，味辛而散，微鹹微苦，疏風邪走絡通經，可導可宣，治痺疾行痰去濕。(威靈仙味苦辛鹹氣溫善走風藥也能宣通臟腑經絡治痺啟閉故一切胸腹冷滯痰水癥瘕瘀血濕邪等證皆可用此行散然疏利之性若無風邪痰濕恐損真氣用者慎之)

紫葳花 人心肝涼散行瘀，能去血中伏火，走營分酸鹹無毒，並療血熱生風。(紫葳花甘酸而鹹性寒色紫手足厥陰血分藥也專治涼血故能去血中之伏火凡婦人產乳餘疾癥瘕血閉寒熱等證由於血熱者皆治之又凡花皆散故能治血中之風與夫血熱生風等證)

使君子 入脾胃，用則治蟲治疳，味甘溫，服則或生或熟。(使君子味甘性溫氣香質潤雖爲殺蟲之藥而益

脾胃斂虛熱凡小兒一切蟲疳等證皆可用之服時忌飲熱茶犯之即渴

山荳根 解肺家結熱之邪，化痺宣難味最苦，殺蠱毒諸蟲之積，通腸消脹氣純寒。（山荳根苦寒入心瀉熱解毒心火降則肺金清故一切喉證之屬於火者得苦降之性自然熱除病退清肅之令下行矣脾胃虛而大便不實者禁之）

白斂 苦能澀熱，辛可疏邪，散結行瘀，止爲性寒能解利，消癰斂口，皆因毒火未潛消。（白斂苦辛而寒散熱結疏邪滯並無酸斂之性即本經亦無斂瘡口之句但云主治癰腫瘡疽散熱止痛等語則後人用之斂瘡者皆因火毒滯留營分而肌肉不斂耳）

土茯苓 利濕分清，皆謂邪留下部，舒筋定痛，多因毒伏經中，以能制輕粉之留邪，入胃通肝及腎，故爲治下疳之良劑，性平味淡而甘，可助土以強脾，藉遺糧而當穀。（土茯苓一名仙遺糧味甘淡而平益脾胃化濕邪服之可當穀不飢故有遺糧之名今人概以治楊梅惡瘡毒竄筋骨肌肉潰爛等證亦不過因土茯苓之味甘淡甘能解毒淡可分清又能益脾胃使土旺濕除肌肉自愈之意非土茯苓可以治瘡也）

茜草 質稟鹹溫，入肝破血，味兼辛苦，行滯通經。（茜草辛苦鹹溫赤色性燥入心肝血分長於破血行血本經稱其治黃痺別錄言其治蠱毒無不皆因瘀血而成故又一名血見愁即此意也）

木鼈子 苦寒有毒，外治爲多，散血熱以消癰，追風毒而達絡，寒鼻則拳毛頓起，吹耳則痘眼能移，點痛

痔而即平，搽火瘡而立效。(木鼈子有番土兩種皆屬苦寒而番者爲尤甚其寒毒之性服之使人筋脈拘急身體振動眩暈之藥不可妄投或風毒竄入經絡或癰疽欲其解散必須配製得宜酌量多寡而用土木鼈雖能治疳積痞塊黃疸等證究竟二鼈長於外治非服食所宜也)

漏蘆 入陽明下乳消癰，鹹苦辛寒無毒品，清濕熱殺蟲涼血，祛除積久小兒疳。(漏蘆鹹苦性寒入陽明血分本經雖云股之益人然畢竟疏利之品故能下乳消癰清濕熱治疳積皆屬陽明之病觀其命名取義則漏蘆之功概可想見矣)

燕脂 解疔毒以鬆肌，甘平入血，吹耳疳之蝕爛，炙黑和營。(燕脂卽紅花汁或紫草汁染帛而成故功用與紅花紫草相似長於活血行血活則肌鬆肌鬆則毒解故也耳疳疔毒無論內治外治均可用之能入心肝血分甘平之性無偏勝之弊耳)

牽牛 色形黑白宜分，瀉肺行痰，消脹逐邪於氣分，性味辛溫有毒，搜風導滯，通腸利水達胞宮。(牽牛味辛性熱瀉肺氣利大腸逐痰濁飲又能從治氣分濕熱堅結但攻伐之品肺與大腸無水濕邪滯堅結者不可輕投)

藤黃 散腫收膿性毒烈，殺蟲逐濕味酸溫。(藤黃係藤汁煎煉而成酸澀有毒能殺蟲以毒攻毒皆外治之功以其酸澀之性有收束之意歟極則散故癰疽瘡瘍發散藥中每每有之)

青風藤 溫達肝脾，用使搜風兼勝濕，味歸辛苦，功能蠲痺並舒筋。（青風藤凡屬蔓之屬皆可通此入經絡味苦平善治風疾故一切歷節麻痺皆治之浸酒尤妙以風氣通于肝故入肝風勝濕濕氣又通于脾也）

香草類目錄

木香 川芎 當歸（尾 歸身） 白芍藥（赤芍） 荆芥 紫蘇葉（子梗） 薄荷 白芷 藁本 香薷
藿香 香附 白芷蔻 草豆蔻 草菓 肉豆蔻 薑黃（片子薑） 砂仁 鬱金 莪朮 三稜 補骨脂
澤蘭（佩蘭） 益智仁 蕁撥 良薑 蛇床子 丹皮 甘松 山柰

水草類目錄

菖蒲 澤瀉 蒲黃 海藻 昆布 浮萍 筴葉

石草類目錄

石斛（金釵斛 鮮石斛 乾霍斛 川石斛） 骨碎補 石葦 絡石藤

毒草類目錄

半夏 南星 附子（烏頭 天雄 草烏） 白附子 蚤休 大黃 商陸 芫花 大戟（澤漆） 甘遂 莖
麻子 射干 常山（蜀漆） 藜蘆 薤白 續隨子 玉簪花根 急性子 風茄花 鬧羊花 狼毒（狼牙）

喬木類目錄

槐花 黃柏 杜仲 蕪夷 厚朴 海桐皮 合歡 秦皮 西河柳 榆白皮 大風子 巴豆 棕櫚皮 皂角
(角刺角子) 訶子 川棟子(根皮) 槲白皮 郁李仁 蘇木 乾漆

灌木類目錄

五加皮 蔓荊子 桑白皮(枝子) 桑葉 女貞子 薤仁 金櫻子 山茶莢 山梔(仁殼) 枳殼 枳實
石楠葉 木芙蓉 山茶花 密蒙花 枸杞子 地骨皮 酸棗仁 鬼箭羽 川槿皮

香草

木香 燥脾土以疏肝，香利三焦破氣滯，味苦辛而散逆，溫宜諸痛解寒凝，理氣則生，用摩沖，止瀉則麵煨取用。(木香苦辛而溫芳香而燥入肝脾氣分宣散上下一切寒凝氣滯溫中止痛辟鬼除邪然純陽之性陰虛液涸者切勿沾唇煨熟可止瀉利因木香氣味俱厚且熱則無走散之性惟覺香燥而守故能實大腸凡治泄瀉恒用之肝喜調達脾喜溫燥木香固爲兩臟之所喜而燥散太過宜於補藥同用乃佳)

川芎 甘辛微苦，力能解鬱調經，潤澤且香，功可和營理氣，愈頭風之偏正，性喜上升，補肝燥之虛衰，善通奇脈，溫宣之性，能疏血分風寒，走竄無方，防劫陰中元氣。(川芎本名芎藭因出川地故名川芎至於台芎撫芎皆因其地而名辛苦甘溫芳香潤澤血中氣藥也然走散上升之性惟血分有鬱滯者最宜至若陰虛血少宜靜不宜動者不可用之)

當歸 引諸血各歸其經，甘苦辛溫香且潤，雖理血仍能調氣，心肝脾臟暢而和，能解表以溫中，可養營而止痛，下行破血，尾力爲強，補血守中，歸身獨得，調營血自然風滅，諸痺仗此以宣通，行臟腑旁及奇經，胎產須知能受益。（當歸性味與川芎相近而甘味爲多不如川芎之走竄耗散功專養血活血能理血中之氣同補藥則補同瀉藥則瀉雖爲血病中之要藥然總屬辛香走散陰虛者仍宜禁之腸滑者不宜用雖能調經婦人亦不可多服易成淋帶等病以其性滑耳）

白芍藥 平肝斂營，氣逆汗多均可治，安脾禦木，痼疹腹痛總堪投，退營熱以除煩，具酸苦甘寒之性，補脾陰而清肺，賴芳香潤澤之功，通補奇經，產後胎前需賴，和調諸痢，裏虛後重堪憑，若夫赤芍功能，專司行散，倘欲諸般製炒，隨病相宜。（白芍藥味甘微酸微寒雖白而略帶紅色其氣芳香故入肝脾血分上至於肺能平肝益脾斂虛熱護營陰古人所用甚多各隨佐使取效赤芍性味但苦不酸從乎火化色赤形槁不若白芍之潤澤堅結其功專司行散無補益之功凡癰疽瘡瘍一切血熱血滯者皆可用之赤白兩種各隨其花而異非別有一種今之所售者不知何物之根）

荊芥 邪風襲於血分者，可散可疏，浮熱客於上部者，能清能利，芳香之氣，用穗則更可上升，經產所需，炒黑又宜於營分，力可達肝而及肺，味則辛苦以微溫。（荊芥辛溫而香入肝肺二經疏風邪清頭目風寒初客於表者可用以解散之炒黑能入血分故又能宣血中之風凡產後瘍潰血虛感風之證最宜但辛香解散之品

陰虛無表邪者忌之)

紫蘇葉 辛香快膈，宣肺肺以溫中，紫赤和營，行經絡而解表，子可消痰定喘，梗能順氣安胎。(紫蘇葉辛溫入脾肺溫中快膈發表散寒色赤氣香入血分宣滯氣與陳皮合用最爲相宜梗則專主順氣氣順則一身通泰猶梗之一身皆達也子則專主潤降故能治嗽化痰因風寒在表而效痰者最宜)

薄荷 輕清入肺，味辛溫而氣涼芳香，解散上焦，清頭目而善宣風熱。(薄荷辛溫香竄體溫而用涼入肺經輕浮上升故能解散上焦風熱爲解表之藥利咽喉辟口氣雖因其用涼而能治熱證然畢竟辛散之品陰虛有火者仍宜遠之薄荷之性味功用與冰片相似體溫而用涼其所謂清者乃輕清之清非清冷之清也)

白芷 爲胃經之表藥，祛寒燥濕味辛溫，宣肺部之風邪，散腫排膿功達遍，升浮之氣，頭目能清，香燥之功，崩淋可用，至若腸風臟毒，緣陽明濕濁爲殃，即其澤面塗容，亦肌肉瘀邪之滯。(白芷辛溫香竄色白入手足陽明手太陰三經祛風勝濕是其所長故爲三經之表藥以其上至肺而下至腸故能上清頭目下治崩帶腸風至若排膿散腫乳癰等證皆肌肉病陽明主肌肉故白芷又爲陽明主藥也)

藁本 辛能達表，溫可行經，風寒顛頂之疼，賴其解散，陰濕痼痼之疾，藉此宣除，氣香獨走夫太陽，色紫堪行乎血分。(藁本根似川芎色紫形虛辛溫雄壯氣香味烈入足太陽經兼通督脈爲發散風寒祛除寒濕之藥功用同于羌活而香性獨專升性過之至於治婦人寒濕痼痼等證亦督脈爲病耳)

香薷 解夏月之表邪，入肺疏寒能達外，味辛溫而無毒，和脾利水可行經。○（香薷辛溫氣香輕浮入肺發表利水辟口氣和中焦爲夏月解表之藥以長夏濕氣蒸騰用此芳香宜上徹下開毛竅潔淨府兩得其宜若陰虛而感受暑熱者不宜服之其形似茵陳功用亦相似但性味各異香薷長於解表利水次之茵陳反是香薷溫而茵陳寒耳）

藿香 辛能解表疏邪，入脾達肺，香可宜中快膈，醒胃清神，性屬微溫，能辟疫而止嘔，功頗善散，防助火以傷陰。○（藿香辛溫入肺芳香入脾快膈宜中止嘔吐平霍亂以芳香脾胃所喜故能開胃助脾然畢竟辛香宜散之品陰虛有火雖有表證者不宜用之至若治口瘡辟口氣皆從治法耳藿香紫蘇二味性味功用大抵相似但紫蘇色紫能行血分藿香之香過於紫蘇理氣之功勝之行血之力不及至於宜中解鬱其理一也）

香附 入肝脾而開鬱，爲血因氣滯之方，理胎產以調經，有氣順血行之理，其味辛甘而帶苦，故生者有解表之功，其質香燥而溫，經製服得純和之妙，乃女科之聖藥，爲氣病之專司。○（香附一名莎草根其草可爲蓑衣香附即其根下子也芳香辛苦氣溫入肝脾兩經兼入手太陰足太陽散一切氣解一切鬱芳香可以入血分故又能理血中之氣爲婦人之聖藥一切少腹膀胱冷痛痼疾以及胸脇悶氣刺痛等疾皆可用之同參朮則補氣同歸地則補血得薑艾能溫氣血之寒得梔連能清氣血之熱或隨其佐使而用酒醋鹽水童便以製之然畢竟香燥之品陰虛氣不滯者忌之）

白芷莖 性熱氣香，入肺部宜邪破滯，味辛質燥，行胃中止嘔除寒。一白芷莖辛熱氣香色白入肺理上焦一切寒凝氣滯故又兼入胃腑逆氣凡嘔吐呃逆等證因於寒滯者皆可用之然辛熱香燥之物陰虛多火者不可浪投

草荳蔻 性味較白蔻爲猛，芳香則中土偏宜，煖胃溫中，療心腹之寒痛，宣胸利膈，治嘔吐之乖違，又能燥濕強脾，可變胃辟除陳腐，兼解鬱痰肉毒，故和羹服食馨香。一草荳蔻產閩省形如龍眼皮淡黃而薄仁如砂仁其氣馨香而和略帶甘味其性熱專入脾胃故功用與白蔻相仿而治上治中不同然總屬辛香燥熱之品陰不足者當遠之

草菓 治太陰獨勝之寒，辛溫入胃，破癥癰瘡邪之積，剛猛宜中，質燥氣雄，味多濁惡，利痰解鬱，性卻瞑眩。一草菓滇廣所產形如訶子皮黑厚其仁粗大其氣辛烈而臭其性熱其所入所用雖與草荳蔻相仿而剛猛濁惡之氣不同故能破癥癰之氣發脾胃之寒截瘧除痰用爲劫藥然虛人服之每易作吐耳

肉荳蔻 味屬苦辛，溫中散逆，質原香燥，入胃除邪，逐冷氣以下滯行痰，脾家所喜，治虛寒而厚腸止瀉，腎臟偏宜。一肉荳蔻形如草荳蔻而肉厚皮皺內有斑紋如槲榔式味苦辛性溫無毒能入脾胃與腎宜導一切寒滯煖熱又能實大腸止瀉痢但有火邪者禁之至于平嘔吐降痰氣亦分所宜耳

薑黃 入肝脾破氣行瘀，味苦辛獨痺散腫，片子橫行肢臂，氣溫解逐風寒。一薑黃形似鬱金但爲色黃異苦

辛溫之性入脾達肝其苦能破氣行血消癰腫治癥瘕其辛能橫行肢臂故又能逐風痺寒濕等疾形扁者爲片子薑黃非別有一種也薑黃色黃氣香血病藥也能宣通血中之氣使氣行而血無壅滯而後知其治風痺等證皆出於行血理氣之功耳如風痺等證由于虛者忌之

砂仁 啟脾胃以寬中，辛溫有效，逐寒凝而快氣，香燥多功，治嘔吐腹痛，結滯冷痰可解化，能導歸腎部，附根縮密有收藏。（砂仁形似龍眼而小色黃專入脾胃以其附根而生故又入腎辛溫香竄和中散逆醒胃強脾止嘔吐辟口氣凡中焦一切寒凝氣滯之證皆可用之雖無草薢白薢之猛烈而辛香燥散之性陰不足者仍不宜用砂仁密藏于根能引諸氣歸束于下故有縮砂之名今人用以製熟地不特使之不膩且有歸束密藏之意合于腎耳）

鬱金 解鬱寬胸，心肺可通肝可及，辛開苦降，血瘀能逐氣能宣，因其質屬芳香，豁痰涎於心竅，卻謂性偏寒燥，療癰癩於肝家，廣生者色黃，善行氣而有功肺部，川產者色紫，能破血而兼達營中。（鬱金辛苦而寒善宣善達入上焦心肺二經功端破血行氣氣行血開則鬱白解痰白降其所以祛心竅痰涎惡血者皆無非辛散苦降之功川產者色紫質堅稍有區別耳鬱金之功皆取其苦辛香燥逐瘀行氣力量若病因虛而致者不可用也）

莪朮 辛苦入肝脾，破氣行瘀磨積聚，溫香疏臟腑，除痰散滯逐寒凝。（莪朮肝經氣分藥也能破氣中之血

辛苦而溫性剛猛善剋削一切瘀癥積聚血凝氣滯等證每每與三稜並用或嫌其峻厲當以醋炒用之)

三稜 味苦平用以入肝，能磨積攻堅，善破血中之氣，性剋削，偏於傷正，雖消癥化癖，還防病裏之虛。
(三稜肝經血分藥也專於破血而能行血中之氣故每與莪朮相輔而行其根形如腳有稜出荆楚地故名性苦平無毒破血積癥瘕等證功與莪朮相似而微有區別耳)

補骨脂 興陽事，止腎洩，甘溫辛苦之功，固精氣，愈腰疼，益火消陰之力，虛寒欬嗽，補納有權，滑數便遺，攝虛可賴，夢遺濕火當須禁，便約津枯切勿投。(補骨脂一名破故紙辛熱入腎助火益陽凡命門真火不足以及五更瀉泄腎冷精流等證皆可服之其所以治喘者亦惟腎臟虛寒真氣上逆之證但辛熱香燥之物善助濕熱倘下焦有濕陰虛有熱者均須遠之)

澤蘭 辛香無毒，甘苦微溫，行水消瘀，入肝脾而解散，除風逐濕，行經絡以分消，若夫另有佩蘭，開鬱功多，能省頭中垢膩，且可宣除陳腐，辛香較勝，堪醫脾病消癰。(澤香生澤旁其葉如蘭而香苦辛而溫入肝脾二經消瘀行水以其溫而帶甘故不傷正氣婦人多用之治血化為水之證尤為入穀治風者亦血行風自滅耳况兼味辛而為葉者乎佩蘭一名省頭草辛平氣香入肺脾肝三經功用相似澤蘭而辛香之氣過之故能解鬱散結殺蟲毒除陳腐濯垢膩辟邪氣至于行水消瘀之效二物亦相仿耳但澤蘭治水之性為優佩蘭理氣之功為勝又為異也)